



PEKERJA kontraktor melakukan kerja memasang khemah untuk peniaga Bazar Ramadan sebagai persiapan terakhir ketika tinjauan di Kampung Baru di ibu negara.

**Kuala Lumpur**

## BAZAR RAMADAN

**M**emasuki bulan puasa, peniaga bazar Ramadan di seluruh negara giat membuat persiapan akhir termasuk pemasangan kanopi dan susun atur gerai.

Di **KUALA LUMPUR**, tinjauan di Bazar Kampung Baru mendapati kontraktor sedang mendirikan kanopi untuk peniaga yang mendapat permit berniaga dari 2 hingga 30 Mac.

Penjual minuman Muhammad Syafaat, 31, berkata pengambilalihan pengurusan bazar oleh Dewan Bandaraya Kuala Lumpur (DBKL) memberikan kelegaan kepada peniaga apabila kadar sewa tapak dikurangkan daripada RM750 kepada RM500, sekali gus meringankan kos operasi.

Di **PERAK**, bazar utama seperti di Stadium Perak, Medan Gopeng dan Bulatan Sultan Azlan Shah (BSAS), Meru Raya, sudah siap sedia menerima pengunjung.

Peniaga kebab Wahi Ekram Mat Kasa, 39, berkata beliau menambah menu baharu seperti shawarma dan tortilla, dengan se-

# Sewa kini hanya **RM500**



**PENIAGA**, Ahmad Widayat Abdullah, 36, memasang lampu di gerainya di Tapak Bazar Ramadan Bulatan Sultan Azlan Shah Meru Raya, Ipoh.

dikit kenaikan harga antara 50 sen hingga RM1 akibat peningkatan kos bahan mentah.

Sementara itu, lebih 900 lot bazar disediakan di **PERLIS**, termasuk di Dataran Persiaran Wawasan (300 lot), Arau (220 lot),

Kangar (119 lot) dan Taman Kemajuan (71 lot).

Yang Dipertua Majlis Perbandaran Kangar (MPK) Affendi Rajini Kanth berkata, kadar sewa dikalkalkan rendah untuk meringankan beban peniaga.

Di **KELANTAN** pula pe-

niaga di Bazar Ramadan Melor mula mempromosi produk mereka dengan menggunakan kain rentang.

Peniaga buah-buahan, Abdul Muhaimin Sulaiman, 29, berkata, tahun ini beliau menyewa empat tapak di bazar itu, selain memiliki kedai buah di Kampung Buloh Poh dan menyewa tapak tambahan di Bazar Ramadan Peringat, Kota Baharu.

Di **NEGERI SEMBILAN**, lebih 140 tapak perniagaan disediakan di Dataran Senawang 3, Seremban, dengan bazar beroperasi dari jam 7 malam hingga jam 12 tengah malam sepanjang Ramadan.

Penganjur, Persatuan Cakna Rasa Sayang menempatkan kalangan anggota Jabatan Sukarelawan Malaysia bagi kawalan keselamatan.